



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Christiana Institvtio Virtutum & vitiorum sacri uerbi Dei  
declamatoribus admodum vtilis et necessaria**

**Ammiani, Sebastiano**

**Venetiis, 1562**

Amicitia uera in octo cognoscitur.

**urn:nbn:de:hbz:466:1-30415**

*Amicitia uera in octo cognoscitur.*

**P**rimo in uoluntatum identitate. Vnde Isidorus dicebat. Amicitia est animorum societas; cuius officium est idem uelle, & idem nolle, secretò admonere, & palam laudare. Secundo in communicatione rerum. Quod Ioannes Euangelista ostendebat, cum diceret. Non diligamus uerbo & lingua, sed opere & ueritate. In amore nostro erga proximum plus bona operatio, & rerum communicatio loqui debet, quàm lingua solum, ut in ipso bono opere proximus noster se amari uideat, sicut D. dicebat Gregorius. Probatio dilectionis est exhibitio operis. Tercio, in secreta admonitione, id est amicum secretò corripere, neque palam, idcirco Gregorius dicebat. Illum solum amicum meum existimo, per cuius linguam ante aduentum distincti iudicis maculas mentis meæ abstergo. Et Isidorus ait. Amicum meum non amo, nisi illum offendam, dum peccauerit. Quarto in consiliorum communicatio-

Isyd.

1. Ioã. 3.

Grego.  
Ecc. 19

Grego.

Isyd.



- Pro. 20.** ne. Causam tuam, in prouerbis legimus, tracta cum amico tuo. Quinto in peccati absconsione. Qui cælat delictum quærit amicitias, in
- Pro. 17.** prouerbis dicitur. Et etiam. Qui ambulat fraudolenter, reuelat archana. Qui autem fidelis est, cælat amici commissum. Sexto, ut uilia eis magis quam placentia dicantur. Vnde in prouerbis dicitur, Simulator ore, decipit amicum suum. In eisdem quoque pulchre legimus. Qui blandis, fictisque sermonibus loquitur amico suo, reexpandit gressibus suis. Septimo ut in omni fortuna diligit; sicuti dicitur in prouerbis. Omni tempore diligit, qui amicus est. Vera & certa amicitia nulla ui excludi potest, neque ullo tempore aboleri; quocumque enim se uertit tempus, semper illa firma est. Octauo, Nec turpia rogare, nec ad præces turpia facere, alioquin uera non esset amicitia, quoniam in rebus tantum bonis amicitia habenda est. Nam qui ea in malo utuntur, non sunt amici, sed pro inimicis habendi sunt. Vnde Philosophus dicebat. Hæc in amicitia res sauciatur, ut neque rogemus res turpes, neque faciamus rogati, ut amicis honesta petamus



peccamus, & amicorum causa honesta faciamus. Vnde in ecclesiastico dicitur; Noli fieri pro amico inimicus proximo. Et Seneca quoque ille ait. Nulla est excusatio, si amici causa peccamus; &c.

Eccle 7  
Seneca,

*Amicitia dissolunt tria.*

**P**rimum est conuicium. Conuicium dicitur aliquod uerecundum, ut cum obiicitur amico: quod sit leprosus, uel seruus, & aliquid simile. Vnde in Ecclesiastico dicitur. Mittens lapidem in uolantia deiciet illa, id est disperget. Sic qui conuiciatur amico suo dissoluit amicitiam. Secundum est, improprium. Improprium est, ut cum amico obiicitur, quod sit laetro, uel tale simile. Vnde in Prouerbiis legitur. Quæ uiderunt oculi tui ne proferas in iurgio citò, ne postea emendare possis, cum de honestaueris amicum tuum. Tertium est, arcanorum reuelatio. Vnde in Ecclesiastico scriptum traditur. Qui denudat arcana amici, fidem perdidit. &c.

Philip.  
Ecc, 22  
Pro, 25,  
Eccl, 7:

C